

तिमोतिनेनाहकु किर्स्तुना बळयि पोल् लोहतद् पयाडा सीटि

इद् सीटटुन रासवाल, किर्स्तुना बळयि पोल् आंदोग. पोल् तिमोतिहक इद् सीटि लोहतस्के, रोम सहरता जेलतगा मतोग. तिमोति बेसता कबुरतुन पोकुर कीयलाहि, पोल्नुना संगे तिरिथिंदोग. पया पोल् ओनु, इपिसुस सहरता विस्वसिरा मुडुन ताकिह कीयलाह, अद् सहरते मनदलाह वेहतोग.

पोल् इद् सीटटुन बाराहक रासतोग इतेके, रोम सर्करतोर तन्क हक्कलाह ऊळिह्तोर इनजोर, पोल् पुन्ज मतोग. अदिनेनाहक तना डोलनामुनेन, तिमोति तनगा वायेग इनजोर, इद् सीटि रासतोग. ओसो देवुळता सेवा बेद्रम कीसोर दायना इनजोर ओन कागहतलाह, ओसो इपिसुस सहरतोर विस्वसिरगा मतव, लाग्वाड पोल्लोना लोप्पा बह कीयना इनजोर, ओन वेहतलाहि इद् सीटि रासिस लोहच मतोग.

मुनेटा पोल्लो

1-2 तिमोति, नना पोलुनन, नीक सीटि रासलाह आतन. मन्कलोर किर्स्तु येसुन विस्वस कीतेके, अमेसाता पिसमुळतुन दोर्किह कीस्तोर इनजोर, देवुळि मुनेन पोल्लो विळसता. अद् पोल्लोता कबुर ओयलाहि नना पोलुनन, देवुळता विचर मतपु, किर्स्तु येसुना बळयिनन आतन, ✨ इदिन सीता कीम्. नीक नना नावा मगना लेहका जीवा कीय्हनन. ✨ मावा देवुळबाबाल ओसो मावा येसुसामि किर्स्तु, नीकु देव्वा ईयिर, जीवा लोपिर, अह आसि निमा सुकमते पिसा. ✨

किर्स्तुनेनाहक लजा आयनद आयो

3 नना देवुळता मुनेह आयि, लोकुरा मुनेह आयि, अमेसा जीवाताहि कसुरलेवप मन्जि, देवुळतुन माळलाह ऊळिह्नन. ✨ मावाड तादोर-बाबोर वने, अद्रमलेहकाने देवुळतुन माळतोर. ओसो नीक सीता कीय्हपा, देवुळतुन नना जोहर कीय्हनन. नऱका पिळ्विळ पियल-पोळ्द पार्तना कीय्हपा, ✨ मागडवालेवा नीक सीता कीय्हनन, तिमोति. ✨

✨ **1:1-2 1:1-2** रोम सहरतोर 1:1 ✨ **1:1-2 1:1-2** तीतुस 1:1-4 ✨ **1:1-2 1:1-2** रोम सहरतोर 1:6-7; 1 तिमोति 1:2 ✨ **1:3 1:3** बळयिर 23:1; 1 तिमोति 1:5 ✨ **1:3 1:3** 1 तिमोति 5:5 ✨ **1:3 1:3** रोम सहरतोर 1:9-10; 1 तिसलुनितोर 3:10

4 नना नियरडाहि पेसतस्के, नीवा कनिरतुन सीता कीतन. ✧ नीक ऊळलाह नावा जीवा पर्हकिहता. नीक ऊळतेक अचोन, नाक बेस-नेहना गिर्दा आस्ता. ✧

5 नीवा विस्वस निटमता विस्वस इनजोर, नना सीता कीतन. ✧ मुने नीवा काको लोयिस, अद्रमे विस्वसता मता. पया नीवा यायालि यूनिके वने, अद्रमे विस्वसता मता. ✧ निमा वने अद्रमताय विस्वसतोनिन इनजोर, नावा बर्वस मन्हता.

6 अदिनेनाहक नना नीक इद पोल्लो वेहतहनन. मुने नीवा पोगोन नना कयक तासिस पार्तना कीतन, अस्के देवुळि नीक सेवा कीयनद बुदि ईता. ✧ अद बुदतुन काळडा इनजोर, नीक सीता कीसीयलाह आतन.

7 बाराहक इतेके, देवुळि माक रेयिस मनदनद जीवा एवो, ✧ मति माक लावता, दुप्रोरिन जीवा कीयनद, कुदतुन आत्रे कीयनद जीवा ईता. ✧

8 अदिनेनाहक मावा सामिना साक्सि ईयलाह, निमा लजा आयमा. अद्रमलेहकाने ओना सेवा कीयनाहक, नना जेलते महनन; इद पोल्लोतेनाहक वने निमा लजा आयमा. ✧ मति देवुळि नीक ईतद लावते, बेसता कबुरतेनाहक नावा संगे तिपल आम. ✧

9 देवुळि माक पिसिह कीसि, तनाय पवित्र लोकुर आयलाह माक आचता. ✧ माट बेसताड कबस्क कीताहकु आयो, मति तना मुनेन विचर कीस मतद पोल्लोता इसबते, माक आचता. ✧ किर्स्तु येसुना मेटे, माक ताना दया दोर्कना इन्जि, अद सुस्मुनेताहि विचर कीस मता. ✧

10 इंजेके माक पिसिह केवाल किर्स्तु येसु ब्रूमतगा वास मताहकु, देवुळि मावा पोगोन दया कीता इनजोर तोहचीता. ✧ किर्स्तु हामुरता लावतुन बूळे कीतोग, ओसो बेसता कबुरतुन विस्वस केवालोर मन्कलोर, अमेसा-अमेसातुहक देवुळता संगे पिसिहतोर इनजोर तोहतोग. ✧

11 इदे बेसता कबुरतुन पोकर कीयलाह, काऱहतलाह इनजोर, देवुळि नाक किर्स्तुना बळयि इनजोर निल्पिह कीता. ✧

✧ **1:4 1:4** बळयिर 20:37-38 ✧ **1:4 1:4** 4:9-11,21 ✧ **1:5 1:5** 1 तिमोति 1:5 ✧ **1:5 1:5** बळयिर 16:1; 2 तिमोति 3:15 ✧ **1:6 1:6** 1 तिमोति 4:14; इब्रितोर 6:1-2 ✧ **1:7 1:7** योहन 14:27; रोम सहरतोर 8:15 ✧ **1:7 1:7** 2 पवु 1:6 ✧ **1:8 1:8** मार्कल 8:38; इपिसुसतोर 3:1 ✧ **1:8 1:8** 2:3,9; 4:5 ✧ **1:9 1:9** रोम सहरतोर 8:28-30 ✧ **1:9 1:9** इपिसुसतोर 2:9 ✧ **1:9 1:9** रोम सहरतोर 16:25; इपिसुसतोर 1:4; तीतुस 1:1-4 ✧ **1:10 1:10** रोम सहरतोर 16:26; तीतुस 2:11 ✧ **1:10 1:10** 1 कुरिततोर 15:26; इब्रितोर 2:14-15 ✧ **1:11 1:11** 1 कुरिततोर 9:1

12 अदिनेनाहक नाकु इव तिपल्क वाताड, वातेक तेला नना लजा आयोन.✧ बाराहक इतेके, नना बोन विस्वस कीतन इनजोर पुतन. (नना देवुळतुन विस्वस कीतन,) नना ताना कयदे तासिसीतद नावा जीवातुन*, अदु किर्स्तु मल्स वायनद दिया एवनाह, राका कीस तास पगयहता† इनजोर, बेस-नेहना पुतन.✧

13 निमा नयगडाहि केंजतव पोल्लोडे चुकवव आंदुड. अविस्किने पोस मन.✧ ओसो निमा किर्स्तु येसुना संगे जोळेम आताहकु, ओन विस्वस कीसोर मन, दुसोरिन जीवा कीसोर मन.✧

14 देवुळि बेसता पोल्लोतुन नीवा कयदगा ईता. अद पोल्लोतुन बोगे मिळहतनद आयो इन्जे, मयगा मनदनद देवुळता पवित्र जीवाता मेटे,✧ तान बेस-नेहना राका कीस मन.✧

15 आसिया पटटोर वेल्लाटोर विस्वसिर नाक तोळ एवोर.✧ अगडोर पुगिलुस ओसो इरमुगिनेस इनवालोर वने, नाक तोळ एवोर इनजोर पुतिन.

16 उनेसिपुस्स इनवाना लोतोर पोगोन, सामिना दया वायि.✧ नना जेलते मनदनदिन ऊळिस, ओग लजा आयवा, नाक ऊळलाह वातोग. ओसो वेल्लाडे मल्काड नाक तोळ ईतोग.

17 ओग इगा रोम सहरते वातस्केन, रोमवालेवा नाक पर्हकिस दोर्किह कीतोग.

18 तना नेयम कीयनद दियाते, सामिनाहि ओन्क दया दोर्कि. नना इपिसुस सहरते मतस्के वने, ओग नाक बेद-बेद सेवा कीसीतोग, इदिन निमा बेस-नेहना पुतिन.

2

किर्स्तु येसुना कबळतुन नाळेह केवा कीम

1 अदिनेनाहक बाबा, किर्स्तु येसुना मेटे, देवुळि माक देखा ईता. अद देखाते, दीराते सेवा कीसोर मन.✧

✧ **1:12 1:12** रोम सहरतोर 1:16 * **1:12 1:12** नना ताना कयदे तासिसीतद नावा जीवातुन “अद नावा कयदे कीसीतद सेवातुन” इद अर्तम वने आया पगयहता. † **1:12 1:12** (नना देवुळतुन विस्वस कीतन,) नना ताना कयदे तासिसीतद नावा जीवातुन, अदु किर्स्तु मल्स वायनद दिया एवनाह, राका कीस तास पगयहता “नना किर्स्तुन विस्वस कीतन, नना ओना कयदे तासिसीतद नावा जीवातुन, ओग मल्स वायनद दिया एवनाह, राका कीस तासलाह पगयहतोग,” इद अर्तम वने आया पगयहता. ✧ **1:12 1:12** 1 तिमोति 6:20 ✧ **1:13 1:13** रोम सहरतोर 6:17-18; 2 तिमोति 2:2; 3:14; तीतुस 1:9 ✧ **1:13 1:13** 1 तिमोति 1:14 ✧ **1:14 1:14** रोम सहरतोर 8:9 ✧ **1:14 1:14** 1 तिमोति 6:20 ✧ **1:15 1:15** 4:9-11,16 ✧ **1:16 1:16** 4:19 ✧ **2:1 2:1** इपिसुसतोर 6:10

2 नना कागहतव पोल्लोन, वेल्लाटोर मन्कलोरा मुनेह निमा केंजतिन.☆ अव पोल्लोन काळडलाहि, दुसोरिन कागहतना लायकतोर सेतेमतोरिहक वेहा.

3 किर्स्तु येसुना सेवा कीदोम, आदिनेनाहकु माट तिपल आतोम. ओर्वोंग बेसतोग सीपय तिपल आस्तोग, अद्रमलेहका निमा वने ओना सेवा कीयनाहकु, मावा संगे तिपल आम.☆

4 लळय केवाल सीपयि तन्क कबळ ईतोग साख्यान, गिर्दा कीयलाहि ऊळिहतोग, अदिनेनाहक दुस्राड कबस्कने एकोग.☆

5 अहे कऱसवाल मन्कल, अगडा अडो मतप वितवेक अचोन, ओन्क इनम दोर्की.☆

6 अद्रमे ओसो एपुर पेसनाह कास्तकारि केवाल मन्कहके, मुनेता पंटा दोर्कना गावले.☆

7 नना वेहतहनन अव पोल्लोना लोप्पा सीता कीम, देवुळि सबे पोल्लोने नीक तेल्व ईयगा.

8 दाविद राजाना कूळतोग, येसु किर्स्तुन सीता कीम.☆ हामुरतगडाहि देवुळि ओन जीवा अर्हता.☆ नना पोकुर कीयनद इदे बेसता कबुर आंदु.

9 इदे बेसता कबुरतुन पोकुर कीयनाहक, नना तिपल आयलाह आतन; लाग्वोग मन्कन दोहतप लेहकान, नाक दोहचि जेलते वाटटोर.☆ मति देवुळता पोल्लोतुन इतेके, बोगे दोहच तास पगवोग.☆

10 अदिनेनाहक देवुळि आचतोर लोकरेनाहक,☆ सबे तिपल्किन आपसोर केमेन महनन.☆ ओर किर्स्तु येसुन विस्वस कीताहकु, देवुळि ओरिन पिसिह कीयि, ओसो ओर अमेसातुहक मनदनद, ताना डीसाता वेहचतगा मनिर इनजोर,☆ इव तिपल्किन आपिहनन.☆

11 इद पोल्लो सेतेमताये:
माट किर्स्तुना संगे डोलतप लेहकान आतल,
इतेके ओनाय संगे जीवात मनदकल.☆

☆ 2:2 2:2 1 तिमोति 6:12; 2 तिमोति 1:13 ☆ 2:3 2:3 1:8 ☆ 2:4 2:3-4 1 तिमोति 1:18; 2 पत्र 2:20 ☆ 2:5 2:5 1 कुरिततोर 9:25; 2 तिमोति 4:8 ☆ 2:6 2:6 1 कुरिततोर 9:10 ☆ 2:8 2:8 मत्याल 1:1 ☆ 2:8 2:8 बळयिर 2:24 ☆ 2:9 2:9 पिलिपितोर 1:7,13; 2 तिमोति 1:8 ☆ 2:9 2:9 बळयिर 28:31; 1 तिसलुनितोर 1:8; 2 तिमोति 4:17 ☆ 2:10 2:10 तीतुस 1:1-4 ☆ 2:10 2:10 कुलसितोर 1:24 ☆ 2:10 2:10 2 कुरिततोर 4:17 ☆ 2:10 2:10 1 कुरिततोर 9:22; 2 कुरिततोर 1:6 ☆ 2:11 2:11 रोम सहरतोर 6:8; 1 तिसलुनितोर 5:10

12 तिपल्किन आपसोर केमेन मतेक अचोन,
 ओना संगे राजेम ताकिह कीकल,✧
 मति ओन पुनोम इनजोर इतेक अचोन,
 ओग वने माक पुनोन इनजोर इनदनोग.✧

13 ओनगा मावा बर्वस कम मतेकाय, ओग बर्वसतोगे मनदनोग,✧
 ओग मावा लेहका आयोग, ओना गूनम बेस्केन मिळन्दो.✧

सामिहक विचर वानाह ओना कबळ कीम

14 मियगडोर विस्वसिरिन नना वेहतन, अव पोल्लोन सीता कीसीसोर मन.
 पोल्लोने गिटोगटो आयमाट इनजोर, देवुळता मुनेह ओरिन बेस वेहा.✧ अद्रम
 आतेके, बाताले पायदा दोर्को, मति केंजवालोगा विस्वस बूळेम आस्ता.✧

15 निमा इद्रम मनः देवुळि नीक ऊळिस बेस गिर्दा आनाह मनदलाह, अद्रम
 मन.✧ बेस-नेहना कबळ कीतेके, लजा अरनाह आयो. निमा देवुळता सेतेम
 पोल्लोतुन तपवालेवा कागहचि,✧ बेस-नेहना कबळ केवाल मन्कना लेहकान मन.

16 देवुळतुन सीता केवा, उगस-उगसताड पोल्लोड वळहकवालोरगा अनमा.
 अद्रम वळहकवालोर देवुळतगडाहि पका जेक आसोर दास्तोर.✧

17 ओर वेहतनव पोल्लोड, कळियनद नोमुरता लेहकान, पूरा पोकुर आस
 मन्कलोगा विस्वसतुन बूळे कीस्ताड. उमनेयाल✧ ओसो पिलेतुस इनवालोर,
 अद्रमताड पोल्लोड कागहतहतोर.

18 डोलतोर जीवा अरयनद कगो मारता इनजोर वेर कागहचि, सेतेम पोल्लोताहि
 लेसतोर.✧ अदिनेनाहक उच्चुर मन्कलोगा विस्वसतुन बूळे कीयलाह आतोर.✧*

19 (अद्रम कीतिक तेला, लोतुन मेगिकेह कीयनद जोताता लेहकान,) देवुळताड
 निटम विस्वसिर, विस्वसते मेगिकिस निच मन्हतोर.✧ जोतातागा माल्काना पेदिर

✧ **2:12 2:12** मत्याल 19:28; लूकाल 22:29 ✧ **2:12 2:12** मत्याल 10:33; लूकाल
 12:9; यहूदाल 3-4 ✧ **2:13 2:13** रोम सहरतोर 3:3-4; 1 कुरिततोर 1:9 ✧ **2:13 2:13**
 गिनती 23:19; तीतुस 1:1-4; इब्रितोर 6:18; याकुब 1:17 ✧ **2:14 2:14** 1 तिमोति 5:21;
 2 तिमोति 4:1 ✧ **2:14 2:14** 1 तिमोति 6:4; तीतुस 3:9 ✧ **2:15 2:15** रोम सहरतोर
 6:13 ✧ **2:15 2:15** याकुब 1:18 ✧ **2:16 2:16** 1 तिमोति 6:20; 2 तिमोति 3:13;
 तीतुस 3:9 ✧ **2:17 2:17** 1 तिमोति 1:20 ✧ **2:18 2:18** 1 कुरिततोर 15:12; 1 तिमोति
 6:21 ✧ **2:18 2:18** 1 तिमोति 1:19; तीतुस 1:11 * **2:18 2:18** ओर मन्कलोर जीवा
 अरयनदिना लोप्पा बाताड कागहनूर इन्जि, नेंड बोन्के तेळियो. मति ओरु येसुना सेतेम कबुरतुन मिळहचि,
 तमाय बुदते कागहचि, लोकरिन लेसिह कीदुर. ✧ **2:19 2:19** यशायाह 28:16-17; 1 तिमोति
 3:14-15

रासतपु, (ओरा ताकमुळ इव पोल्लोड तोहतहताः)सामि तना मन्कलोरिन पुन्हता☆ ओसो “बोर सामिनोरोम इन्हतोर, ओर लाग्वाड कबस्कनाहि जेक मनिर,”☆ इनजोर तोहतहता.

20 इदिन सीता कीम्हटुः उंद बेरा लोतगा बंगर-वेंडिनाड गिनेड-कस्ताड मन्हताड, अहे मराताड, तोळ्योताड वने मन्हताड. बंगरतविन, वेंडटविन, एळमतोर वातस्के काळिडह्तोर, दुस्मान बार केनकेनेता कबळतेनाहक काळिडह्तोर.☆

21 (विस्वसिरा लोप्पा वने इद्रमलेहकाने.) नना पोगोन वेहतव लाग्वाड कबस्कनाहि, बोग तन्क सुद्रे कीस्तोग,☆ ओग एळमतोर वातस्के काळडनद मादा लेहकान, तना माल्काल देवुळता कबळतेनाहक एगिस मन्हतोग. ओसो देवुळता कबळतुहक अरयहतोग, सबे बेसताड कबस्क कीयलाह तयर आस मन्हतोग.☆

22 अदिनेनाहक तिमोति, लेयोर मन्कलोरगा मनदनव लालुस्कनाहि जेक विता.☆ बेसता विचरते सामिना पेदिरतुन केयवालोरा संगे मन्जि, सेतेमते पिसलाह, सामिन विस्वस कीस पिसलाह, जीवा कीसोर मनदलाह,☆ ओर्विहक-ओर्वोग कलियिस मनदलाह पर्हका.☆

23 बुदलेवव, उगसताड पोल्लोने गिटोगटो आयनगडाह जेक मन. अद्रमताड पोल्लोड सिरप जगळम पुटिह कीस्ताड इनजोर पुतिने.☆

24 सामिना सेवक मन्कल जगळम आयनद आयो,☆ मति सबेटोर मन्कलोरा संगे कुलुल बुदते मनदना.☆ दुसोरिन देवुळता पोल्लो कागहतलाह उसर मनदना,☆ तिपलते दीरा पोस मनदना.

25 ओसो विस्व केवालोरिन, कुलुल बुदते तेळियिह कीयना.☆ अद्रम कीतिके, देवुळि ओरिन वने पापमता अगदाहि मल्हचि, सेतेमतुन पुनाह कीतिके कीयगा बहे.☆

26 ओसो नाक विचर वायनदिन कीयिर इनजोर, देयहकना मुक्याल ओरिन एगिह कीस तासता. ओर वने बुदि दोर्किह कीसि, देयहकना मुक्याना वदताहि,

☆ 2:19 2:19 गिनती 16:5; योहन 10:14-15 ☆ 2:19 2:19 लूकाल 13:25-27

☆ 2:20 2:20 रोम सहरतोर 9:21 ☆ 2:21 2:21 1 तिमोति 6:11 ☆ 2:21 2:21

इपिसुसतोर 2:10; 2 तिमोति 3:17; 4:9-11; तीतुस 3:1 ☆ 2:22 2:22 1 कुरिततोर

6:18-20; 1 तिमोति 6:11 ☆ 2:22 2:22 1 तिमोति 1:14 ☆ 2:22 2:22 रोम

सहरतोर 14:19; 1 तिमोति 1:5 ☆ 2:23 2:23 1 तिमोति 1:3-4; 6:4; तीतुस 3:9; याकुब

4:1 ☆ 2:24 2:24 1 तिमोति 3:3; तीतुस 1:7 ☆ 2:24 2:24 1 तिसलुनितोर 2:6-7

☆ 2:24 2:24 1 तिमोति 3:2 ☆ 2:25 2:25 गलातितोर 6:1; 1 पत्रु 3:16 ☆ 2:25

2:25 1 तिमोति 2:3-4; 2 तिमोति 3:7

पिहट अरतेक अरयनुर बहे.✧

3

आक्रिताड दियाने मन्कलोर बह मनदनुर

1 मति इद पोल्लोतुन पुन्ज मनः आक्रिताड दियाने✧ वेल्लाय तिपल वायगा.✧

2 मन्कलोर दुस्रोरेन सीता केवा, कुदतासाटिये आलिह कीयनुर,✧ कोताना लालुस कीयनुर,✧ पोगयसोर तिरियनुर, मोर्दोप आयनुर, देवुळतुन पास्कनुर,✧ तलोग-तपेरा पोल्लो केंजोर आयनुर,✧ दुस्रोरे बेस कीतदिन सीता केवोर आयनुर, देवुळतुन मुर्तिय सीता केवोर आयनुर,✧

3 ओर्विहक-ओर्वोंग जीवा केवोर आयनुर, ओर्विहक-ओर्वोंग मापि केवोर आयनुर,✧ कूदिड दायनुर,✧ विचर वातप कीयनुर, गेळा जन्वरता लेहका बोनाडे केंजोर आयनुर, बेसताड पोल्लोन विस्द कीयनुर,✧

4 तम्क नमवालोरिन नाळेह कीयनुर, विचर केवालेवा कंद्रेमते बातालाय कीयनुर, वळहकनुर, पोमाडेड कीसोर तिरियनुर.✧ देवुळतुन जीवा केवा, कुदता गिर्दातुन जीवा कीयनुर.✧

5 वेर अमेसा देवुळतुन सेवा कीतप लेहका, सोड कीयनुर; मति ताना लावतुन निटम मानेम आयोर आयनुर.✧ तिमोति, निमा इद्रमतोर मन्कलोरगडाह जेक मन.✧

6 वेरगडाहि उच्चुर बह कीस्तोरः तेल्वलेवव, पका पापम कीताहकु, जीवा चुहेम आयवव, दुस्राड-दुस्राड लाग्वाड लालुस्कनगा सीता कीस मनदनव आस्कनाड✧ लोहक-लोहक तिरियिहतोर, ओसो अव आस्किन तमाड कय्कने कीस्तोर.✧

7 अद्रमताड आस्क अमेसा कगयसोर मन्हाताड, मति सेतेमतुन बेस्केन पुनदा पगवोड.✧

✧ 2:26 2:26 1 तिमोति 3:7 ✧ 3:1 3:1 इब्रितोर 1:2 ✧ 3:1 3:1 1 तिमोति 4:1; 2 तिमोति 4:3 ✧ 3:2 3:2 पिलिपितोर 2:21 ✧ 3:2 3:2 लूकाल 16:14; 1 तिमोति 3:3 ✧ 3:2 3:2 2 पत्र 2:10-12 ✧ 3:2 3:2 रोम सहरतोर 1:29-30 ✧ 3:2 3:2 1 तिमोति 1:9-10; यहूदाल 18 ✧ 3:3 3:3 रोम सहरतोर 1:31 ✧ 3:3 3:3 1 तिमोति 3:11 ✧ 3:3 3:3 तीतुस 1:8 ✧ 3:4 3:4 1 तिमोति 3:6 ✧ 3:4 3:4 पिलिपितोर 3:19 ✧ 3:5 3:5 1 कुरिततोर 2:4-5; 1 तिमोति 4:8 ✧ 3:5 3:5 मथ्याल 7:15; 2 तिसलुनितोर 3:6 ✧ 3:6 3:6 1 तिमोति 5:6; तीतुस 3:3 ✧ 3:6 3:6 यहूदाल 3-4 ✧ 3:7 3:7 1 तिमोति 2:3-4; 2 तिमोति 2:25

8 बेद्रम मुनेटा कालमते यनेस ओसो यम्बरेस इनवालोर, (मिसर देसेमतोर गूनयालोर) मोसा मुय्तोन* विस्द कीस मतोर, अद्रमे इंजेटा कालमते वेर मन्कलोर सेतेमता विस्द कीस्तोर.* वेर ओसोय लाग्वा बुदतोर आंदुर; येसुन विस्वस कीयनद पोल्लो वेरिहक मुर्तिय तेळियो.*

9 मति बेद्रम मिसरतोर गूनयालोर बुदलेवद कबळि मन्कलोरिहक पोळक्ने दिसता,* अद्रमे वेरा वने बुदलेवद कबळि सबेटोर मन्कलोरिहक दिसगा. अदिनेनाहक मन्कलोरिन वेर नाळेह कीसोरिन दाया पगवोर.

तिमोति बेद्रम पिसना

10 मति तिमोति, निमा इतेके नना बाताल कागहतन, बेद्रम ताकतन, बेद पोल्लोतेनाहक पिसलाह आतन, इदिन बेस-नेहना पुतिन; नावा विस्वसतुन, नना तिपल्किन आपनदिन, जीवा कीयनदिन, तिपलते ओरेम आयवा मनदनदिन वने, बेस-नेहना पुतिन.*

11 पिसिदिया एरियाता अंताकिया सहरतगा,* इकुनियुम सहरतगा,* लुश्रा सहरतगा,* मन्कलोर नाक तिपल कीतदिन, नना सिक्सा आतदिन, मन्कलोर नाक बेद्रमताड तिपल्क ईतोर, इव तिपल्किन नना आपतदिन वने पुतिन.* सामि नाक तोळ आताहकु, नना अव सबे तिपल्कनाहि पिसतन.*

12 अद्रमे बोर बोर किर्स्तु येसुन विस्वस कीसि, देवूळतुहक विचर वातप लेहका पिसलाह ऊळिहतोर, ओर सबेटोरिन लोकर तिपल कीयनुरे.*

13 मति लाग्वोर ओसो सोड केवालोर, दुसोरिन नाळेह कीसोर दास्तोर; ओसो दुसोर वने वेरिन नाळेह कीसोर दास्तोर; अद्रम वेर पका लाग्वोर आसोर दास्तोर.*

14 मति निमा मात्रम सेतेम पोल्लोन कगयतिन, नीक कागहवालोर बर्वस लायकतोर आंदुर इनजोर पुतिन, पुन्जि निमा अव पोल्लोन नमतिन; अव पोल्लोड वेहतप ताकसोर मन.*

* 3:8 3:8 पेसमुळि 7:11 * 3:8 3:8 बळयिर 13:8 * 3:8 3:8 1 तिमोति 6:5
 * 3:9 3:9 पेसमुळि 7:11-12; 8:18; 9:11 * 3:10 3:10 पिलिपितोर 2:20,22; 1
 तिमोति 4:6; 6:11; 2 तिमोति 4:2 * 3:11 3:11 बळयिर 13:14,45,50 * 3:11
 3:11 बळयिर 14:1-7,19 * 3:11 3:11 बळयिर 14:8-20 * 3:11 3:11 2 कुरिततोर
 1:5,7; 12:10 * 3:11 3:11 रोम सहरतोर 15:30-31; 2 तिमोति 4:17 * 3:12
 3:12 योहन 15:20; बळयिर 14:22 * 3:13 3:13 2:16; तीतुस 3:3 * 3:14 3:14
 1:13; तीतुस 1:9

15 उड्लस्केडाह देवुळता साङ्गमताडः पूरा पवित्र पोल्लोन पुतिन. ✧ येसु किर्स्तुन विस्वस कीतिके, देवुळि पिसिह कीस्ता इनजोर, अव पोल्लोडः नीक बुदि ईया पगयहताडः. ✧

16 देवुळता साङ्गमताडः सबे पोल्लोन रासतोरु जीवाते, अव पोल्लोडः देवुळता जीवाताहि पुटटाडः. अवे पोल्लोने, दुस्रोऱिहक सेतेम काऱहतनाह आस्ता; लाङ्वाडः केवालोरिन तेळियिह कीयनाह आस्ता; गल्लि केवालोरिन सुद्रे कीयनाह आस्ता; देवुळतुहक विचर वानाह पिसलाहि, बुदि काऱहतनाह आस्ता. ✧

17 देवुळता मन्कल बोगे मनेग, सबे बेसताडः कबस्क कीयनेनाहक, ओन पूरा तयर कीयलाहि, ✧ देवुळता साङ्गमताडः पोल्लोडः कबळतुहक अरयहताडः. ✧

4

बेसता कबुरतुन पोकरु कीम

1 देवुळि ओसो किर्स्तु येसु (ओगे किर्स्तु उंद दिया तना राजेमतुन निल्पिह कीयलाह मल्स वायनोग; ✧ अस्के हातोरु-पिसतोरु नेयम केवाल आयनोग ✧); वेरा अदिकरते नना नीक इद उकुम ईय्हननः. ✧

2 बेसता कबुरतुन पोकरु कीम. ✧ मन्कलोरिहक केंजलाह विचर वातेकाय, वावेकाय, वेहचोर मन. मुर्तिय ओडः आयवा, मन्कलोरिन सुद्रे कीसोर, ✧ लाङ्वा कबळ कीतिके तेर्हचोर, दीरा ईसोर, देवुळता पोल्लोतुन बेस-नेहना काऱहचीम. ✧

3 बह इतेके, वायनाडः दियाने सेतेम पोल्लोतुन, मन्कलोर केंजोर आयनुर. ✧ मति तमाय विचरतेनाहक, तमाडः केव्हिहक बेद पोल्लो केंज वसिहता, अद पोल्लो काऱहवालोर वेल्लाटोर मन्कलोरिन, तमगा जमा कीयनुर. ✧

4 कीसि सेतेमतुन केंजलाह, केव पायवा मनदनुर, मति मन्कलोर पुटिह कीतव पीटोडः केंजलाह, केव ओगनुर. ✧

✧ **3:15 3:15** इपिससतोर 6:4; 2 तिमोति 1:5 ✧ **3:15 3:15** देवुळताडः पाटाडः 119:98-99; 1 कुरिततोर 1:21 ✧ **3:16 3:16** रोम सहरतोर 15:4; 2 पत्रु 1:20-21 ✧ **3:17 3:17** 1 तिमोति 6:11; 2 तिमोति 2:21; इङ्गितोर 13:20-21 ✧ **3:17 3:16-17** रोम सहरतोर 4:23-25; 1 तिमोति 4:13 ✧ **4:1 4:1** 2 तिसलुनितोर 2:8 ✧ **4:1 4:1** बळयिर 10:42 ✧ **4:1 4:1** 1 तिमोति 5:21; 2 तिमोति 2:14 ✧ **4:2 4:2** कुलुसितोर 4:3 ✧ **4:2 4:2** 3:10 ✧ **4:2 4:2** 1 तिमोति 5:20; तीतुस 1:13-14; 2:15 ✧ **4:3 4:3** 3:1 ✧ **4:3 4:3** यहूदाल 18 ✧ **4:4 4:4** 2 तिसलुनितोर 2:11; 1 तिमोति 1:3-4; तीतुस 1:13-14

5 निमा मात्रम अमेसा सबे पोल्लोने उसर मन. ✨ तिपल आयह्पा आरेम आयमा, ✨ बेसता कबुरतुन वेहचोर मन. नीवा कयदे ईतद सेवातुन मारिह कीम. ✨

6 बेद्रम देवुळतुहक मोक ईयह्पा, अंगुर जोमातुन वळिपहतोर, अद्रमलेहकान नावा जीवातुन वने देवुळतेनाहक ईयनद दिया एवता, नावा हायना वेला एवता. ✨

7 (ओर्विहक-ओर्वोग लळेम आयवालोर, पूरा लाव कीस लळेम आयना लेहकान,) नना पूरा लाव कीसि, बेचोको तिपल्कना नडुम, नावा सेवातुन विळसोन. ✨ (कऱसवाल मन्कल जेक वितिसि, सीनातगा एवयना लेहकान,) देवुळ नाक ईतद कबळतुन नना मारिह कीतन. ✨ देवुळ नावा पोगोन बर्वस तासतपु, नना सेतेमते ताकतन, (बेस्केन पेऱके अरवोन). ✨

8 (गेलसवालोरिहक दोर्कना लेहकान,) देवुळि इंजेटाहि नयेनाहक उंद राजटोपि तासता, अदु सेतेमते पिसवालोरिहक ईयनद इनम आंदु. ✨ सेतेमते नेयम केवाल येसुसामि, तना नेयम कीयनद दियाते, अद राजटोपतुन नाक ईयनोग. सिरप नाके आयो, सामि ओसोवने मल्स वायनदिन ✨ गिर्दाति केपवालोर सबेटोर मन्कलोरिहक ईयनोग. ✨

पोलु तिमोतिन जल्दि वायलाह वेहतहतोग

9-11 देमस इनवाल दुनियाता गिर्दातुन पसंद कीसि, ✨ नाक विळिसिसि तिसलुनि सहरते अतोग. * किरिस्केन्स इनवाल गलाति पटटे अतोग. तीतुस बार दलमतिया पटटे अतोग. ✨ सिरप लूकाले नावा संगे मन्हतोग. ✨ अदिहक निमा नयगा बेचोन चट्पिट वाया पगयहनिन, अचोन चट्पिट वायलाह तयर आम. ✨ देवुळता सेवाते मार्कल नाक पका कबळतुहक अरयनोग, ✨ अदिनेनाहक निमा नयगा वायह्पा, मार्कन पोस वाय. †

✨ 4:5 4:5 1 पत्र 1:13 ✨ 4:5 4:5 1:8 ✨ 4:5 4:5 कुलसितोर 4:17 ✨ 4:6 4:6 पिलिपितोर 1:23; 2:17; 2 पत्र 1:14 ✨ 4:7 4:7 पिलिपितोर 1:30; 1 तिमोति 1:18 ✨ 4:7 4:7 बळयिर 20:24; 1 कुरिततोर 9:24,26; पिलिपितोर 3:14 ✨ 4:7 4:7 तोहचीतव पोल्लोड 2:10 ✨ 4:8 4:8 1 कुरिततोर 9:25; 2 तिमोति 2:5; याकुब 1:12 ✨ 4:8 4:8 2 तिसलुनितोर 2:8 ✨ 4:8 4:8 कुलसितोर 1:3-5 ✨ 4:9-11 4:9-11 1 तिमोति 6:17 * 4:9-11 4:9-11 देमस पोलुना संगे कबळ केवाल आंदोग. वेग तिसलुनि सहरतोग मतोग बहे, अदिहक पोलुन विळसतस्के अकेन अतोग. ✨ 4:9-11 4:9-11 2 कुरिततोर 2:13 ✨ 4:9-11 4:9-11 कुलसितोर 4:14 ✨ 4:9-11 4:9-11 1:4 ✨ 4:9-11 4:9-11 2:21 ✨ 4:9-11 4:9-11 कुलसितोर 4:10; पिलेमोन 24 † 4:9-11 4:9-11 मार्कना लोप्पा पुनदना इतेके बळयिर 12:12, 12:25, 13:13, 15:36-40 अर्वाट.

12 नना तुकिकुसिन✧ इपिसुस सहरते लोहतन.

13 निमा वानेके तरोवस सहरते✧ करपुसना लोतगा, नना विळिसस वातद कोटजगा तय. ओसो नावाड सीटिड तय, कासा इतेके तोलानगा रासतव सीटिड ततलाहि मुर्तिय माङ्गमा.

14 ओसो कोल्से कबळ केवाल सिकंदर पेदिरतोग,✧ नाक पका लाग्वाड कीतोग. ओग कीतव कबस्कना इसबते, येसुसामि ओन्क बद्ला ईयनोग.✧

15 ओना लोप्पा निमा वने उसरते मन. माट कागहतव पोल्लोन ओप्पोड इनजोर, ओग पका माक विस्द कीतोग.

16 नावा मुनेता नेयमतस्के, नना नावा लोप्पा कोरोटे वेहतलाह अतन, अस्के नयेनाह साक्सि ईयलाह बोगे तोळ वावोग.✧ सबेटोर नाक विळिसस अतोर. देवुळि इद पोल्लोतुन सीताते तासिस ओरिहक सिक्सा एमाकि.✧

17 मति येसुसामि नावा संगे निचि, नाक लाव ईतोग.✧ बह इतेके नावा नेयम कीयनगा, यहुदि आयवोर सबेटोर केंजनाह, नावा मेटे बेसता कबुर पूरा पोकुर आयना इनजोर. (ओसो नेयम केवाल बेरोग साय्बाल, नाक हामुरता सिक्सा ईस मनेग,) मति सामि नाक तोळ आताहकु, नना पिसतन.✧

18 अदमे सबे लाग्वाड पोल्लोनाहि येसुसामि नाक पिसिह कीयनोग, ओसो नाक पोगोन तना राजेम ताकिह कीयनगा, बेस-नेहना ओयनोग.✧ ओन्के अमेसा-अमेसातुहक मान आयि. आमेन!✧

19 पिरिस्किलान ओसो ताना मुजो अक्विलान जय येसु वेहा,‡ अहे उनेसिपुस्स इनवाना लोतोरिहक जय येसु वेहा.✧

20 इरास्तुस✧ कुरित सहरतगान महनन इतोग. तुरपिसुस✧ बेमर मताहकु, ओन मिलेतुस सहरतगान विळिसस वातन.

✧ **4:12 4:12** बळयिर 20:4; इपिसुसतोर 6:21-22; कुलसितोर 4:7-8 ✧ **4:13 4:13** बळयिर 16:8 ✧ **4:14 4:14** बळयिर 19:33; 1 तिमोति 1:20 ✧ **4:14 4:14** देवुळताड पाटाड 62:12; रोम सहरतोर 12:19 ✧ **4:16 4:16 1:15** ✧ **4:16 4:16** बळयिर 7:60 ✧ **4:17 4:17 1** तिमोति 1:12 ✧ **4:17 4:17** रोम सहरतोर 15:30-31; 2 तिमोति 2:9; 3:11 ✧ **4:18 4:18** इब्रितोर 11:16; 2 पत्रु 1:11 ✧ **4:18 4:18** रोम सहरतोर 11:36 ‡ **4:19 4:19** वेर आळ इर्चुरा लोप्पा पुनदना इतेके, बळयिर 18:1-3 अर्वाट. ✧ **4:19 4:19** 1:16 ✧ **4:20 4:20** बळयिर 19:22; रोम सहरतोर 16:23-24 ✧ **4:20 4:20** बळयिर 20:4; 21:29

21 निमा इर्डमताडः दियाड वायनामुनेन, इके वायलाह तयर आम.☆ यूबुलुस, पूदेन्स, लीनुस ओसो कलोदिया वेरु, ओसो इगडोर सबेटोर विस्वसिर, नीक जय येसु वेहतलाह आतोर.

22 सामिना जीवा नीवा संगे मनि. देवुळि मीक सबेटोरिहक देयवा ईयि.☆

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458